

**[JCCP/MCVR]**

Na sala de comisións “Concepción Arenal” do pazo Parlamento de Galicia reúnese a **Comisión 8ª, Pesca e Marisqueo**, o día **4 de xuño de 2024**, ás **16:05 horas**, logo da convocatoria remitida para o efecto.

Asisten as persoas que se relacionan a seguir:

**Mesa:**

Patricia García González  
(Presidenta)  
Paula Mouzo Mas  
(Vicepresidenta)  
Carmela González Iglesias  
(Secretaria)

**Vogais:**

**Grupo Parlamentario Popular de Galicia (P):**

María Deza Martínez  
Miguel Fidalgo Iglesias  
María Dolores Hermelo Piñeiro  
José Alberto Pazos Couñago  
Roberto Rodríguez Martínez  
Raúl Santamaría González  
Gonzalo Trenor López

**Grupo Parlamentario do Bloque Nacionalista Galego (BNG):**

Daniel Castro García  
Rosana Pérez Fernández  
José Daniel Pérez López  
Paulo Ríos Santomé

**Grupo Parlamentario dos Socialistas de Galicia (S):**

Julio Ernesto Abalde Alonso  
Patricia Iglesias Rey  
(en substitución de Carlos López Font)

**Outros intervenientes:**

Don Óscar Insua Lema (BNG)

**Comparecentes:**

Directora xeral de Desenvolvemento Pesqueiro  
Presidente do Ente Público Portos de Galicia

**Letrado:**

Juan Carlos Caride Puente

A señora presidenta abre a sesión e rógalle á señora secretaria que lle dea lectura á relación de membros titulares da Comisión para os efectos de comprobar a existencia de quórum de constitución e as correspondentes substitucións. Logo da constatación deste, éntrase no desenvolvemento da orde do día obxecto desta sesión.

*A señora secretaria abandona o seu posto na Mesa da Comisión e pasa a ocupar un escano co seu grupo parlamentario, de acordo co establecido no artigo 82 do Regulamento do Parlamento.*

**Punto 1. Preguntas:**

- 1.1 873 (12/POC-000110)**  
**Grupo Parlamentario Popular de Galicia**  
**Balseiro Orol, José Manuel e 8 máis**  
**Sobre a contía do orzamento destinado pola Consellería do Mar aos proxectos impulsados polos grupos de acción local do sector pesqueiro (GALP)**  
*Publicación da iniciativa, BOPG n.º 11f2, do 15.04.2024*

A Presidencia concédelle a palabra á **señora Hermelo Piñeiro (P)**, que procede á defensa da iniciativa ampliando os argumentos que da mesma se expoñen por escrito e que aparecen publicados no BOPG anteriormente subliñado.

En representación da Xunta de Galicia contéstalle a **señora directora xeral de Desenvolvemento Pesqueiro (Consellería do Mar), Marta Villaverde Acuña.**

En rolda de réplica a **señora Hermelo Piñeiro (P)**, agradece a información aportada pola señora directora xeral, sobre a que expón novas consideracións.

A **señora directora xeral de Desenvolvemento Pesqueiro, Marta Villaverde Acuña,** pecha o debate da iniciativa ampliando os datos amosados na súa anterior intervención.

*A Presidencia agradece a presenza da señora Villaverde Acuña nesta sesión da Comisión e desculpa a súa ausencia, dado que non ten máis preguntas ás que teña que dar resposta.*

- 1.2 2536 (12/POC-000412)**  
**Grupo Parlamentario do Bloque Nacionalista Galego**  
**Pérez López, José Daniel e Pérez Fernández, Rosana**  
**Sobre os estudos das condicións de seguridade no interior do porto de Malpica co fin de executar un proxecto de mellora, a opción elixida dentro das diferentes intervencións consideradas e o cronograma de obras e orzamentos previsto**  
*Publicación da iniciativa, BOPG n.º 21f2, do 03.05.2024*



O **señor Pérez López, (BNG)**, expón os motivos nos que se basea esta iniciativa, ampliando os que se conteñen na súa presentación escrita e publicada no BOPG anteriormente subliñado.

Para a súa resposta intervén por parte da Xunta de Galicia o **señor presidente do Ente Público Portos de Galicia (Consellería de Pesca), José Antonio Álvarez Vidal**.

Na rolda de réplica o **señor Pérez López, (BNG)**, incide na importancia desta iniciativa logo de matizar algunhas das argumentacións expostas polo señor Álvarez Vidal e sobre as que expón novas consideracións.

Péchase o debate desta pregunta cunha nova intervención do **señor presidente do Ente Público Portos de Galicia, José Antonio Álvarez Vidal**, que reitera e amplía o manifestado na súa anterior intervención.

*A señora presidenta agradece a presenza e colaboración do señor Álvarez Vidal cos traballos desta Comisión e desculpa a súa ausencia, dado que non ten máis preguntas ás que teña que dar resposta.*

## **Punto 2. Proposicións non de lei**

- 2.1 418 (12/PNC-000006)**  
**Grupo Parlamentario Popular de Galicia**  
**Balseiro Orol, José Manuel e 8 máis**  
**Sobre a demanda que a Xunta de Galicia debe dirixir ao Goberno central para que xestione ante a Comisión Europea a eliminación dos totais admisibles de capturas en caladoiros comunitarios verbo das especies accesorias das que non existen informes científicos concluíntes sobre o seu estado real**  
*Publicación da iniciativa, BOPG n.º 6, do 05.04.2024*

A Presidencia concédelle a palabra ao **señor Fidalgo Iglesias (P)**, que pasa a explicar os motivos que xustifican a presentación desta proposición non de lei, ampliando os contidos na súa formulación escrita e publicada no Boletín Oficial do Parlamento.

A esta iniciativa non se presentaron emendas, polo que, aberta a rolda de grupos parlamentarios pola Presidencia, intervén en primeiro lugar o **señor Abalde Alonso (S)**, quen, logo de deixar constancia das súas argumentacións a respecto desta iniciativa, destaca que, ao seu xuízo, esta proposta non aporta nada novo.

Nesta mesma rolda a **señora Pérez Fernández (BNG)**, expón diversas consideracións sobre a intervención do señor proponente.

O **señor Fidalgo Iglesias (P)**, fai uso da rolda de puntualizacións para incidir na importancia desta iniciativa logo de matizar algunhas das afirmacións realizadas polo/a voceiro/a que o precederon no uso da palabra.

**2.2            2081 (12/PNC-000263)**  
**Grupo Parlamentario dos Socialistas de Galicia**  
**Iglesias Rey, Patricia e 2 máis**  
**Sobre a demanda ao Goberno galego da posta en marcha de estratexias**  
**para a mellora da produción marisqueira de Galicia**  
***Publicación da iniciativa, BOPG n.º 16f2, do 24.04.2024***

A **señora Iglesias Rey (S)**, procede á defensa da iniciativa expresándose en termos semellantes aos que aparecen por escrito e que están publicados no Boletín Oficial do Parlamento.

*A señora vicepresidenta abandona o seu posto na Mesa da Comisión e pasa a ocupar un escano co seu grupo parlamentario, de acordo co establecido no artigo 82 do Regulamento do Parlamento.*

A Presidencia informa que a esta iniciativa non se presentaron emendas, polo que, aberta a rolda de grupos parlamentarios, intervén en primeiro lugar o **señor Insua Lema (BNG)**, que xustifica o apoio do seu grupo parlamentario á proposición non de lei defendida

Nesta mesma rolda intervén por parte do **G.P. Popular de Galicia** a **señora Mouzo Mas**, quen, logo de matizar moitas das afirmacións realizadas pola voceira e voceiro que a precederon no uso da palabra, destaca que esta proposta chega tarde, pois todo o que nela se propón xa se está a levar a cabo dende Xunta de Galicia.

A **señora Iglesias Rey (S)**, fai uso da rolda de puntualización para incidir na importancia da iniciativa, logo de amosarse en desacordo con moitas das afirmacións realizadas pola voceira do grupo maioritario.

**2.3            2277 (12/PNC-000295)**  
**Grupo Parlamentario do Bloque Nacionalista Galego**  
**Pérez Fernández, Rosana e 4 máis**  
**Sobre a demanda ao Goberno galego da elaboración e aplicación no**  
**prazo dun mes dun protocolo de baleirado dos encoros das bacías**  
**hidrográficas da súa competencia**  
***Publicación da iniciativa, BOPG n.º 20f2, do 02.05.2024***

A **señora Pérez Fernández (BNG)**, explica os motivos nos que se basea a proposición non de lei, ampliando os que se conteñen na súa formulación escrita e publicada no Boletín Oficial do Parlamento de Galicia.

A esta proposición non de lei non se presentaron emendas, polo que, aberta a rolda de grupos parlamentarios pola Presidencia, intervén en primeiro lugar o **señor Abalde Alonso (S)**, para posicionarse a favor da proposición non de lei defendida.

Nesta mesma rolda o **señor Trenor López (P)**, tras rexeitar moitas das argumentacións expostas pola señora proponente, defende a postura da Xunta de Galicia.

Na rolda de puntualizacións a **señora Pérez Fernández (BNG)**, expón diversas discrepancias coa intervención do voceiro do grupo maioritario e agradece o apoio amosado polo voceiro do G.P. dos Socialistas de Galicia.

**2.4            2574 (12/PNC-000332)**  
**Grupo Parlamentario do Bloque Nacionalista Galego**  
**Pérez Fernández, Rosana e 4 máis**  
**Sobre determinadas actuacións que o Goberno galego debe impulsar**  
**coa finalidade de mellorar a situación do sector marisqueiro galego**  
*Publicación da iniciativa, BOPG n.º 20f2, do 02.05.2024*

A Presidencia concédelle a palabra á **señora Pérez Fernández (BNG)**, quen pasa a dar conta das razóns nas que se basea esta proposición non de lei, expresándose en termos semellantes aos contidos na súa formulación escrita e publicada no Boletín Oficial do Parlamento.

Tampouco a esta iniciativa se presentaron emendas, polo que, aberta a rolda de grupos parlamentarios pola Presidencia, intervén en primeiro lugar o **señor Abalde Alonso (S)**, que pasa a referir as razóns polas que o seu grupo vai apoiar esta proposta.

Nesta mesma rolda a **señora Mouzo Mas (P)**, tras matizar algunhas das argumentacións expostas pola señora proponente, expón as súas argumentacións a respecto da proposta formulada anuncia o apoio do seu grupo á mesma.

A **señora Pérez Fernández (BNG)**, fai uso da súa rolda de puntualizacións para agradecer o apoio amosado por ambos grupos parlamentarios, logo de matizar algunhas das afirmacións realizadas pola voceira do grupo maioritario.

**2.5            3383 (12/PNC-000425)**  
**Grupo Parlamentario dos Socialistas de Galicia**  
**Iglesias Rey, Patricia e 2 máis**  
**Sobre a demanda dirixida á Xunta de Galicia coa finalidade de que**  
**promova unha ampliación do porto de Malpica**  
*Publicación da iniciativa, BOPG n.º 24f2, do 15.05.2024*

A **señora Iglesias Rey (S)**, quen dá conta das razóns que levaron ao seu grupo á formulación desta proposición non de lei, expresándose en termos semellantes aos que aparecen publicados no BOPG anteriormente subliñado.

A esta proposición non de lei tampouco se presentaron emendas, polo que, aberta a rolda de grupos parlamentarios pola Presidencia, intervén en primeiro lugar o **señor Pérez López (BNG)**, para manifesta a intención do seu grupo de votar a prol da iniciativa.



Nesta mesma rolda o **señor Fidalgo Iglesias (P)**, logo de expoñer as súas argumentacións a respecto da proposta formulada, xustifica o rexeitamento do seu grupo á mesma.

Na rolda de puntualizacións a **señora Iglesias Rey (S)**, expón diversas consideracións sobre as razóns de rexeitamento da iniciativa por parte do grupo maioritario e agradece o apoio amosado polo G.P. do Bloque Nacionalista Galego.

Rematado o debate, a Presidencia procede á votación das proposicións non de lei, pola orde na que figuran na convocatoria:

**2.1 418 (12/PNC-000006), do G.P. Popular de Galicia.** Sométese a votación o texto resolutivo orixinal, que resulta **aprobado** por:

**Votos a favor:..... 14 (P+BNG)**

**Votos en contra: ..... 0**

**Abstencións: ..... 2 (S)**

O texto aprobado é o seguinte:

*«O Parlamento de Galicia insta a Xunta de Galicia a:*

*1. Dirixirse ao Goberno central para que realice as xestións necesarias ante a Comisión Europea para a eliminación dos totais admisibles de capturas (TAC) sobre especies accesorias, dado que non existen informes científicos concluíntes sobre o estado real destes recursos pesqueiros en varios caladoiros comunitarios.»*

**2.2 2081 (12/PNC-000263), do G.P. dos Socialistas de Galicia.** Sometido a votación o texto resolutivo orixinal, resulta **aprobado pola unanimidade dos 16 deputados e deputadas presentes** con dereito a voto.

O texto aprobado é o seguinte:

*«O Parlamento galego insta a Xunta de Galicia a afrontar unha estratexia de recuperación da produción marisqueira de Galicia, en liña co apuntado polos colectivos do sector e os axentes coñecedores e afectados por este problema, en especial, que se atenda ás peticións da ría de Camariñas para ter semente e poder rexenerar a ría.»*

**2.3 2277 (12/PNC-000295), do G.P. do Bloque Nacionalista Galego.** Sométese a votación o texto resolutivo orixinal, que resulta **rexeitado** por:

**Votos a favor:..... 7 (BNG+S)**

**Votos en contra: ..... 9 (P)**

**Abstencións: ..... 0**

**2.4 2574 (12/PNC-000332), do G.P. do Bloque Nacionalista Galego.** Sometido a votación o texto resolutivo orixinal, resulta **aprobado pola unanimidade dos 16 deputados e deputadas presentes** con dereito a voto.

O texto aprobado é o seguinte:

*«O Parlamento de Galicia insta o Goberno galego a:*

*1. Desenvolver un proxecto de semente de moluscos bivalvos para garantir o acceso do sector marisqueiro a ela que permita acadar progresivamente a autosuficiencia de Galicia en materia de produción e subministración e evitar as importacións para o impulso da actividade marisqueira.*

*2. Convocar de inmediato as axudas para a repoboación dos bancos marisqueiros e levar a cabo a súa resolución no prazo máis breve posible.*

*3. Tendo en conta que o período de cultivo é inminente, habilitar a corresponde partida económica para adiantar o importe desas axudas ao sector, tomando como base para o anticipo as concedidas en anos anteriores.»*

**2.5 3383 (12/PNC-000425), do G.P. dos Socialistas de Galicia.** Sométese a votación o texto resolutivo orixinal, que resulta **rexeitado** por:

**Votos a favor:..... 7 (BNG+S)**

**Votos en contra: ..... 9 (P)**

**Abstencións: ..... 0**

Ao non haber máis asuntos que tratar, a señora presidenta agradece aos presentes o seu traballo na Comisión e levanta a sesión.

Remata a sesión ás 19:15 horas.

**Carmela González Iglesias**  
**Secretaria da Comisión**

**V. e pr.**  
**Patricia García González**  
**Presidenta da Comisión**